

# შინაური საქმეები

უოველ კვირულ გავითი

№ 4.

კვირა, მაისის 4, 1908 წ.

ფასი წლიურათ — 4 მან.

ნახევარა წლიათ — 3 მან.

ცალკე ნომერი ღირს 8 კაპეიკათ.

ადრესი: ქუთაისი „შინაური საქმეების“ ბუღალტერია.

**შინაური:** ივ. გომართლის ივიზოჰია (გაგრძელება) — სანმანია-სა; სარწმუნოების უარის მყოფელნი ჩვენში — სეფეველელისა; სასიკეთო ნიშანი — სარკინელისა; რა მოაქვს უღმრთობას? — ალექსი ბერისა; ცრუ ბრძენებს (ლექსი) — ონოფრე მწირისა; ლექცია — ბოსლეველისა; ცრემლის ხევი — მღვ. ვლ. ფ. — ძისა; აბრეშუმის ქიის მოვლა — ნ. მკურნალისა; ძვირფასი ამხანაგის მოგონება.

## უოველ კვირულ გავით

### „შინაურ საქმეებს“

ხელის მოწერა მიიღება რედაქციაში ქ. ქუთაისში (საბურთალო — კახაკოვის — შესახვევში № 17) და საებარქიო საბჭოში — წლიური ფასი 4 მან ნახ. წლით 3 მ. ცალკე ნომერი ღირს 7 კ. აბრილიდგან იანვრამდის 3 მანეთი. გავითი ღებულობს დასაბეჭდად ყოველგვარ განცხადებას.



### ივ. გომართლის ივიზოჰია.

(სული თუ ტვინი?)

გაგრძელება.<sup>1)</sup>

იმის დასამტკიცებლად, რომ ტვინია მოაზრე და არა სული, ზ. გომართელს მოჰყავს მაგალითი ავითმყოფის ქლოროფორმით დაძინებისა, როდესაც ადამიანი ჰკარგავს გრძობიერებას, როგორც ექიმმა, გჭმარაჯობა კარგათ უნდა იცოდეს, რომ ქლოროფორმი საწამლაია და თუ ცოტა მეტი მოუვიდა ადამიანს, საუკუნოთაც დააქინებს. ქლოროფორმს, როგორც ყოველგვარ საწამლავს, შეუძლია ისე მოადუნოს სხეული, რომ მის მიერ სულმა ვეღარ გამოიჩინოს თავის ძალები. სიბერეც ერთგვარი საწამლაია, რომელიც ადუნებს სხეულს

<sup>1)</sup> იხ. „შინაური საქმეები“ № 3

და აცლის მას ღონისძიებას სავსებით გამოაჩინოს სულის მდგომარეობა. სხეულს რომ სიცოცხლის ძალა დაეკარგება, რა თქმა უნდა, სულის მოძრაობას ჩვენ ვეღარ შევნიშნავთ. სული ჩვენთვის უხილავი ხდება და მხოლოდ თითონ იცის თავის მდგომარეობა.

ესევე ითქმის ყოველგვარ სხეულის ნაკლებეანებაზე, რომელიც უშლის სულს გამოაჩინოს თივისი ძალები. ამ მხრივ ადამიანის სული მოგვაგონებს საპრობილეში ჩამწყვდეულ ადამიანს რომელსაც ხედვაც შეუძლია, სმენაც, მაგრამ მას ნებას არ აძლევს საპრობილის კედლები გამოიჩინოს ეს ნიჭებუ. ამის მაზეხით გომართელი ვერ იტყვის, რა თქმა უნდა, საპრობილეში კაცი არ არისო. სხეული, როგორც ძველები ამბობდენ სწორედ საპრობილეა სულისა. ჯერ კიდევ პლატონ ფილოსოფოსმა სთქვა, ჩვენ საპრობილეში, მალაროში ვცხოვრობთო. და აი სწორედ ჩვენი სხეული თავისი გრძობების იარაღებით არის ის მალარო, ის საპრობილე, რომელშიდაც სცხოვრობს სული და რომლის მეოხებით იგი ვერ იჩენს თავის ნიჭებს. თუ ეს მართალია, თუ ხალი სხეულიც არ არის სრული გამომეტყველი სულისა, რაღა უნდა ითქვას ქლოროფორმით მოწამლულ სხეულზე?.

რაც შეეხება საიქიო ცხოვრებას, რომელსაც ადგილზე თუ უადგილოთ აჩრისბ გამოიჩინოს თელი, ამაზე ლაპარაკი მასთან კარგად უნდა იქნება.



ღვევად მიმანია ქრისტეს მცნებისა, რომლის აზრი იმაში მდგომარეობს, რომ მარგალიტი არ უნდა დაუყარო უგნურებს, რომ თავისი უწმინდური ფეხით არ გასრისონ ჯერ იგი და მერე თვით შენ. ამიტომ ამის შესახებ ვსდუმთ...

მხოლოდ მორწმუნეთა სანუგეშოთ მოვიყვანთ, რამოდენიმე მაგალითს, რომლისგანაც მტკიცდება, რომ არსებობს საიქიო ცხოვრება და კაცსაც აქვს უკვდავი სული. წინდაწინვე ვიტყვი, რომ ამ მაგალითებს გამართელი და მისი ამხანაგობა ზღაპარს დაუძახებენ, მაგრამ ეს არაფერს ნიშნავს, თუ გავითვალისწინებთ იმას, რომ იგინი ყველაფერს ზღაპარს ეძახიან, რაც არ ეთანხმება მათ ვიწრო და ცალკვრივ შეხედულებას. თუ დასკირდათ გამოჩენილ ისტორიულ პირსაც უარს ჰყოფენ და ზღაპრად გამოაცხადებენ, როგორც ამას მოქმედობს მათი მთავარპაპა ბებელი. ქეშმარიტი შეცნიერი კი არ უარჰყოფს ფაქტს, არამედ ცდილობს შეიგნოს იგი, გამოიკვლიოს. ვინც ასე არ იქცევა იგი არც შეცნიერია და არც გონიერი არსება, და მისი უარყოფა ამისთვის უმნიშვნელოა.

წინდაწინვე უნდა ვსთქვათ, რომ ჩვენ არ მოვიყვანთ მაგალითებს არც წმიდანების და არც სასულიერო პირთა ცხოვრებიდან, რომ არ იფიქრონ,—განძრახ გამოგონილიაო. აი ეს მაგალითებიც:

**მაგალითება, რომელზედაც ამტკიცებენ სულას უკვდავებას და სააქიო ცხოვრებას არსებობას.**

იმპერატორ პავლეს ჩვენება.

1728 წლის დასაწყისში, როდესაც დედოფალი მარიამ თედორეს ასული მეათე შვილზე უნდა მორჩენილიყო, იმპერატორ პავლეს წარუდგინეს საზამთრო სასახლეში პეტერბურგელ რასკოლნიკების წარმომადგენელი, რომ მადლობა გამოეცხადებოდა იმ მფარველობისათვის, რომელსაც უწევდა იგი მათ. ვაჭარმა მილოვა მიაჩნა მთავარ ანგელოზის მიხაილის ძველი ხატი ოქროთი მოჭედილი. მეფემ მოწყალებდ მითლო დეპუტაცია; ხატი თავის სამუშაო ოთახში დასვენებინა და ზეთი აანთებინა. დაძინებისას იმპერატორი დედოფლის ოთახიდან

დაბრუნდა თავის ოთახში. დედოფლის ავან-ყოფობამ დიდ საგონებელში ჩააგდო იმპერატორი. ღრმად დაფიქრებული დაჯდა იგი სავარძელში და თავისი ლამაზი ცისფერი თვალები მიაშტერა მთავარ ანგელოზის ხატს. უცრივ წყნარი შრიალი მოესმო, რომელმაც გამოარკვია იგი ფიქრისაგან: მან აიხედა ზევით. კარებთან იდგა მოხუცი, ბერის ტანისამოსში, ლამაზი მაგრამ დაღარული სახის, გრძელ-თეთრ-წვერიანი.

— რას იტყვი ბატონო? ჰკითხა მან უცნობს.

— შენი ცოლი გაჩუქებს შენ ძეს მიხეილს. ამავე სახელს დაარქმევ სასახლესაც, რომელსაც აშენებ შენი დაბადების ადგილზე. დაინახსოვრე ჩემი სიტყვები: „სახლსა შენსა შენის სიწმიდე უფლისა სიგრძესა შინა დღეთასა“. ამ სიტყვების შემდეგ უცნაური სტუმარი გაჰქრა კარს უკან, როგორც მოეჩვენა იმპერატორს.

28 იანვარს დედოფალი მორჩა და ეყოლა ვაჟი, რომელსაც პავლეს სურვილისამებრ უწოდეს სახელად მიხეილი. როდესაც ზარბაზანმა აცნობა ქალაქს ხელმწიფის შვილის დაბადება, მეფის საყვარელმა გრაფმა ქუთაისოვმა მოახსენა მას, რომ მორიგ საღარაჯო რაზმის აფიცერს აქვს მასთან რაღაც საიღუმლოდ მოსახსენებელიო.

— „გამომიგზავნე“, უთხრა პავლემ ქუთაისოვს.

— პატივი მაქვს მოვახსენო თქვენს უდიდებულესობას, მოახსენა აფიცერმა, რომ საღარაჯო ადგილზე. რომელიც ექირა დარაჯს ნანენბურგის პოლკისას, მოხდა არა ჩვეულმბრივი შემთხვევა.

— რა მოხდა?

— დარაჯმა უთუოდ სიცხის გამო, მოახსენა მე რაღაც ჩვენებაზე. ვილაც მოხუცი ბერი, იმ დროს, როცა დედოფალი მორჩა ძეობით, მიუახლოვდა დარაჯს და უთხრა: „გახსენე მეფეს, რომ ახალდაბადებულსაც მიხეილი დაერქვას და ახალ აშენებულ სასახლესაცო.

— გამომიგზავნეთ დარაჯი! ბრძანა მეფემ.

დარაჯმა კანკალით უამბო ნანახი ჩვენ-  
ბა. ხოლო მეფემ ბრძანა:

— ვიცი, ვიცი... ეს უკვე შესრულებუ-  
ლია!

— მეფემ აფიცერი ანნას ორდენით და-  
აჯილდოვა და სალდათსაც უხვი საჩუქარი  
უბოძა.

მეორე დღეს მეფემ მოიხმო ხუროთ მოძ-  
ღვარი ბრენო—უმთავრეს ფრონტონზე, რო-  
მელიც იტალიის ქუჩისკენ გადის—უბრძანა მე-  
ფემ—გააკეთე ეს წარწერა. ამასთანავე მისცა  
მას ქალაღდის ნაგლეჯი, რომელზედაც მისი  
საკუთარი ხელით ეწერა:

„სახლსა შენსა შვენის სიწმიდე უფლისა  
საგრძესა შინა ღღეთასა“.

ისტორიკოსი რომელიც მოგვითხრობს ამ  
ამბავს, ამბობს, რომ ზემო აღნიშნული წარწე-  
რის ასოების რიცხვი, რომელიც ღღესაც და-  
ცულია მიხეილის ციხეზე, ედარება იმ წელთა  
რიცხვს, რამდენხანაც იცოცხლა პავლემ (47)  
(отъ 1754—1801)

(И. А. Карышевъ „жизнь и смерть  
ст. 39). (ребусъ 1887 г. стр. 386).

**ჩვენება რუსეთის დედოფლის ანნა იოანეს  
ასულასა.**

ერთი ნათესავთაგანი ჩემი ბაბუისა თ. ან-  
დრია ნიკოლოზის ძის შერბატოვისა,—გად-  
მოგვცემს გრაფინია ა. ა. ბლოვდოვისა (русск.  
архивъ 1889 г. кн. 1)—ზნირად იტყოდა  
ხოლმე დედოფალ ანნას ცნობილ უცნაურ ჩვე-  
ნებაზე, როგორც დამსწრე და თვალით მნა-  
ხველი ამ ჩვენებისა.

რამდენიმე დღის წინეთ, სანამ დედოფა-  
ლი ანნა მოკვდებოდა, მისი (შერბატოვის) ამ-  
ხანაგი იყო სადარაჯო რაზმში, რომელიც სცი-  
და სასახლეს. ეს მოხდა სასახლეში, რომელიც  
იდგა ფონტანკაზე, ანიჩინის ხილთან, სადარა-  
ჯო რაზმი სატახტო დარბაზის ახლო ოთახში  
იდგა; დარაჯი იდგა დარბაზის გაღებულ კა-  
რებთან. დედოფალი უ ვე გავიდა თავის მოსა-  
სვენებელ ოთახებში. ფეხის ხმა მიწყნარდა.  
შუალამე გადასული იყო. აფიც რი მიჯდა, რომ  
კოტა წაეთვლიმა. უფერად დ რაჯმა ნიშანი  
მისცა, სალდათები ფეხზე წამოცივდენ და

აფიცრმა შპაგა (ხრმალი) ამოიღო პატეის  
მისაცემად. იგი ხედავს, რომ დედოფალი და-  
დის ჩაფიქრებული, ხელები უკან აქვს მოღე-  
ბული და არავის ყურადღებას არ აქცევს. და-  
რაჯი სდგას როგორც საყე, თოფი ხელში უჭი-  
რავს, მთელი რაზმი მოლოდინშია; მაგრამ რა-  
დაც არა ჩვეულებრივი სახე აქვს დედოფალს,  
და ეს არა ჩვეულებრივი სეირნი სატახტო დარ-  
ბაზში აოცებს ყველას. აფიცერი დარწმუნდა,  
რომ დედოფალი არსად მიდის დარბაზიდგან.  
კაი ხანს უყურა, და ბოლოს გაბედა შესვლა  
სხვა კარებით ქალების სადარაჯო ოთახში და  
ჰკითხა, იციან თუ არა, დედოფლის განძრახ-  
ვაო. აქ ის შეხვდა ბირონს (დედოფალთან  
დაახლოებული კარის კაცი) და უამბო, რაც  
მოხდა.—„შეუძლებელია—სტეპა ბირონმა,—  
მე ეხლა მოვდივარ დედოფლიდგან, იგი წავი-  
და დასაწოლად“.

— თქვენ თათონ შეხედეთ, იგი სატახტო  
დარბაზშია. ბირონი გაჰყვა აფიცერს და დაი-  
ნახა ეგრეთ, როგორც მან უამბო. „ეს რაღაც  
ხრიკებია, რაღაც შეთქმულებათა, რომ გავლენ-  
ა იქონიონ სალდათებზე—დაიყვრა ბარონმა,  
გავარდა დედოფალთან და სთხოვა გამოსუ-  
ლიყო და ემხილებია ვიღაც დედაკაცი, რო-  
მელსაც უსარგებლნია მისის მსგავსებით და  
ატყუებს ხალხს, უთუოდ ცუდი განძრახვით.  
დედოფალი გამოვიდა ისე, როგორც იყო, სა-  
ღამურ ტანისამოსში. ბირონიც გაჰყვა. მან  
დაინახა დედაკაცი, რომელიც სავესებით ჰვაგ-  
და მას და რომელიც სრულებით არ შემკრთა-  
ლა. „ურცხვი“, დაიყვრა ბარონმა და გამოი-  
ყვანა მთელი სადარაჯო რაზმი. აფიცრმა დაი-  
ნახა ორი ანნა, რომელთაგან ნამდვილი, ცოც-  
ხალი ანნას გარჩევა მხოლოდ ტანისამოსით  
შეუძლებოდა და კიდევ იმით, რომ იგი ბირონ-  
თან ერთად მეორე კარებით შემოვიდა. ერთი  
წამის შემდეგ დედოფალმა წაიწია წინ და ჰკით-  
ხა დედაკაცს: „ვინ ხარ შენ და რაზე მოსულ-  
ხარო?“ მან არაფერი უპასუხა; მიაშტერა თვა-  
ლები და უკან-უკან იხეცდა ტახტისკენ და ამ-  
ნაირად აიღა ტახტის საფეხურებზე. „ეს უთუ-  
ოდ ურცხვი მატყუარაა! აი დედოფალი! იგი  
გიბრძანებს თქვენ, ესროლეთ ამ ქალს“. უთ-

ხრა ბარონმა სადარაჯო რაზმს. გაფითრებულ-  
მა აფიცრმა უბრძანა სალდათებს, ესროლათ,  
სალდათებმა თოფები მოიმარჯვეს. ქალმა, რო-  
მელიც ამ დროს ტახტის საფეხურზე იდგა, ერთი  
კიდევ შეხედა დედოფალს და გაჰქრა. დე-  
დოფალი მიუბრუნდა ბარონს და უთხრა: „ეს  
ჩემი სიკვდილია“, შემდეგ გამოეთხოვა გა-  
ქვავებულ სალდათებს და წავიდა თავის ოთახ-  
ში.

**გრაფინია შტეინბოკი დედოფალ ულრიკას  
კუბოსთან.**

როცა დედოფალი ურლიკა გადაიცვალა  
თავის სასახლის კოშკში ქალაქ სტოკგოლმის  
ახლო, მისი სხეული ჩვეულებისამებრ გა-  
მოდგეს ღია კუბოში კატარფალკაზე საგლო-  
ვიარო ოთახში. მეზობელ ოთახში იდგა საპა-  
ტიო დარაჯი მეფის ლეიბ-გვარდიის ჯარის  
კაცთაგან სრული თავის შემადგენელი ნაწი-  
ლებით. შუადღისას კოშკს მოადგა კარეტა დე-  
დოფლის მეგობარ ქალის გრაფინია შტეინბო-  
კისა, რომელიც მოვიდა სტოკგოლმიდგან,  
რომ უკანასკნელი ვალი გადაუხადოს თავის  
მალალ მფარველ დედოფალს, საპატიო დარა-  
ჯის უფროსმა კაპიტანმა გადმოიყვანა იგი კა-  
რეტიდგან და შეიყვანა საგლოვიარო ოთახში,  
რომლის კარი მოხურა გრაფინიამ, რითაც აჩ-  
ვენა, რომ მართო დარჩენა უნდოდა. აფიცრე-  
ბი, რომლებიც კუბოსთან დარაჯობდნენ, შე-  
იტყვეს რა გრაფინიას სურვილი, გამოვიდნენ  
საგლოვიარო ოთახიდგან, რომელშიდაც ჩა-  
მოვარდა სრული სიჩუმე.

გავიდა კიი ხანი და გრაფინია არ ჩნდა.  
მაშინ ერთმა აფიცრთაგანმა იფიქრა, გრაფი-  
ნიას გული არ წასვლოდესო, გააღო კარი და  
უცხად უკანვე გამოვარდა. ყველა იქ მყოფმა  
აფიცრებმა მოიბრინეს და ცხადად დაინახეს,  
რომ დედოფალი ფეხზე იდგა კუბოში და მაგ-  
რად ეხვევოდა ქალბატონ შტეინბოკს. ეს ჩვე-  
ნება, როგორც შენიშნეს ქანობდა და შემდეგ  
გარდაიქცა კომლად, სქელ ნისლად; როდესაც  
ეს ნისლი ვაიფანტა ყველამ ცხადად დაინახა,  
რომ დედოფალი ურლიკა თავის კუბოში ეს-  
ვენა და გრაფინია შტეინბოკი კი არსად იყო.

ბევრი ეძებეს იგი სასახლის ყველა ოთახებში,  
შემდეგ ჩამოვიდნენ ძირს, სადაც კარეტა იდ-  
გა, მაგრამ ამაოდ: არც კარეტა, არც ქუჩერი,  
არც ლაქია იქ აღარ იყო. მაშინვე გაგზავნეს  
შიკრიკი სტოკგოლმში, საიდგანაც პასუხი მიი-  
ღეს, რომ გრაფინია შტეინბოკი სტოკგოლ-  
მიდგან არსა გასულა და გარდაიცვალა სწო-  
რეთ იმ დროს, რა დროსაც იგი ნახეს დედოფ-  
ლის უბეში. ამ ამბავზე შეადგინეს დაწვრი-  
ლებითი ოქმი, რომელსაც ხელი მოაწერა ყვე-  
ლა იქ დამწრე პირებმა. ოქმთან იმეჭონება  
აგრეთვე ჩვენება საპატიო სადარაჯო რაზმის  
უფროსისა; იგი აჩვენებს, რომ გრაფინიამ სა-  
გლოვიარო ოთახში შესვლის დროს რაღაც  
დიდი საიდუმლო გადასცა მას. ოქმი დატულია  
სტოკგოლმის სახელმწიფო არხივში.

სანმანიანი.

(შემდეგი იქნება).



**სარწმუნოება და მისი უარის გამოშვანი  
ჩვენში.\*)**

I.

სარწმუნოებრივი გრძობით აღვსილი და  
ყოველთვის ქრისტიანობის მტკიცე ერთგულე-  
ბით ცნობილი ქარწველი ერი, ამ ბოლო  
წლებში ძნელი საცნობი გახდა. უცხად  
და უდარდელად გააგდო ხელიდან ქართი-  
ლობის საკმაოდ დიდმა ნაწილმა ღვთის მშო-  
საობა, უცხად და ადვილად გაიცივა გული  
სარწმუნოებაზე, სისწრაფით შეითვისა მან გა-  
რედან შონაბერი ღვთის საუარმყოფო მოძღ-  
ვრება. სოფლელი და მოქალაქე, მოსამსახურე  
და მოხელე, დედაკაცი და მამაკაცი, ყრმა და  
მოხუცებული ბევრგან ერთ ხმად ამხედრებუ-  
ლან ღვთისა და ეკლესიის წინააღმდეგ; უარს  
ჰყოფენ, ჰგმობენ, უგუნურობად სთვლიან მას,  
რაც აქამდე საღმრთოდ, სათაყვანოდ, სასახე-  
ლოდ და ქვეშაბრტეხად ჰქონდათ მიჩნეული,

\* ამ სათაურით დაისტამბება მთელი წყება აპო-  
ლოგეტური წერილებისა ქრისტიანობის ძირითადი ქრ-  
მარტების შესახებ.

გეგონება ახალი მესია, ახალი მოციქული მოსულა და მას მოუხიბლავს, მას შეუპყრია ერის გული და გონებაო!

მაგრამ ასედაც რომ მომხდარიყო, ეს ხომ მაინცა და მაინც მაგ ზომად სადარდელი არ იქნებოდა? ეს ხომ მხოლოდ შეცვლა იქნებოდა ძველი რწმენისა ახალზე, შეთვისება მარტო ოდენ ახალი მოძღვრებისა ღვთისა, სულისა და საიქიოს შესახებ? დღეს კი, **სამწუხაროდ**, ვერასფერს ამის მსგავსს ვერ ვხედავთ ხალხში. ხალხის ერთი ნაწილი ხელადებით უარს ჰყვავს საუკუნოებიდან შეთვისებულ მოძღვრებას: ვინ ნახა ღმერთი, რას ჰქვიან სული, სადაა საიქიო, რის მაქნისია სარწმუნოებაო და სხვა. აი რას გაიგონებთ დღეს ხშირათ ჩვენი კურთხეული სამშობლოს თვითეულ კუთხეში!

დიდად სამწუხარო და სავალალოა ეს მოვლენა, რადგანაც ასე უცბად, ასე მოულოდნელად, ასე ზერელად და დაუფიქრებლად ხელის კვრა და თავიდან მოშორება ყველაფრისა, რაც ამდენ ხანს ასულდგმულეობდა და ასაზრდოებდა ერის გულსა და სულსა ცხადი და უტყუარი ნიშანია ამ ერის სულიერად მოშლა-მოდუნებისა, მისი გონება-ზნეობის გაქსუება-გათახსირებისა.

აქ, რასაკვირველია, ბრბო, უბრალო ხალხი, არაფერ შუაშია, იგი სხვის ფეხის ხმასა აყოლილი და, მსგავსად ცარიელი ქვევრისა, მხოლოდ ჩანაძახს გამოიძახის. ბრბოს და გონება მოუმიწიფებელ მოსწავლე ახალგაზრდობას ამ შენთხვევაში ხელმძღვანელობენ, რევენ და ჩასძახიან უცნაურობას ერთგვარი მიმართულების ნასწავლი პირები, რომლებსაც, სხვათა შორის, თავიანთი სიცოცხლის მიზნად დაუხახავთ სარწმუნოებისა და ზნეობის გაქრობა და მოსპობა ხალხში. ამ გვარი მიმართულებისა, მაგალითად, ქართული წიგნაკის „ეროვნული საკითხი“-ს ავქსონი.

აი პირველივე სტრიქონები დასახელებული წიგნაკისა:

„იყო დრო, ყველას ძვალ-რბილში ჰქონდა ის რწმენა გამჯდარი, რომ ადამიანი უძველეს დროს უყვდავი არსება იყო; გონებრივად,

ზნეობრივად და ფიზიკურად ის უმწერვალესად იყო განვითარებული და საშოთხის ნეტარებითა სტკებოდა. დღეს კი ამ გვარი რწმენა მხოლოდ ბრიყვთა სამკაულია; მეცნიერებამ სამუდამოდ გაფანტა ეს სისულელე, რომელსაც დღესაც დაბეჯითებით ასწავლიან ჩვენ ბავშვებს სკოლებში და რომელსაც დღესაც მოწიწებით უქადაგებს სამღვდელოება ხალხს. მეცნიერებამ დიდი ხანია დაამტკიცა, რომ არავითარი ადამი და არავითარი ევა არა ყოფილა არავითარ ედემში; მეცნიერებამ ახსნა, რომ უძველესი ადამიანი თანდათან განვითარდა პირუტყვისაგან“ და სხ.

როგორც ხედავთ, ჩვენმა ბედნიერმა მეცნიერმა კალმის წვერის ერთი მოსმით ფარდა ახადა საიდუმლოებით მოცულს ცისა და ქვეყანის გაჩენის ისტორიას, გააბათილა დაბადებას პირველი ფურცლები და სისულელედ გამოაცხადა ჩვენი სარწმუნოებრივი მოძღვრების საფუძველი. ასე ომახიანათ სქრის და ჰკერავს ჩვენებური ვოლტერი მაღალი მეცნიერების სახელით, მაგრამ ამ შენთხვევაში იგი ცილსა სწამებს, ქორებს უგონებს და სახელს უტებს მეცნიერებას. მოყვანილი აზრები ამოღებულია მისი საკუთარი გოგრის ძირგამოკმული კილობნიდან და მეცნიერებაში მათ არავითარი ალავი არ მოეზობათ. აბა პატარახან სიტყვა დაუთმოთ, როგორ მსჯელობენ და აზროვნობენ ცისა და ქვეყანის შემქნელის შესახებ ცნობილი გენიოსები: ლინნეი, კეპლერი, ბეკონი, ასტრონომი გერშელი, ვატსონი, კარლ ფოხტი, ვიქტორ ჰიუგო, ლიბიტი, ლეილი, პასტერი, შლეიდერი და ათასნი სხვანი.

ლინნეის მეცნიერულ გამოკვლევაში მცენარეულობათა აგებულობის შესახებ ეპოულობთ ამისთანა საგულისხმეო მსჯელობას: „სამარადისომ, უსაზღვრომ, ყოვლისა მკოდნემ და ყოვლად შემძლე ღმერთმა გაიარა ჩემს ახლო. მართალია, პირის პირ არ მიხილავს იგი, მაგრამ მისმა ღვთაებრივმა შუქმა გამოუთქმელი განკვირვებით აღავსო ჩემი სული. ჩემთვის ცხადი გახდა უმაღლეს ხსრისხზე მყოფ სულიერ არსებათა კავშირი მცენარეულობასთან, მცენარეულობის სიახლოვე დედამიწის

წიალში დამარხულ მადნეულობასთან, ზომა დედამიწის მიმართულებისა მზისაგან, წესი მისი ბრუნვისა მზის გარეშე და მზისგან გამოძაქალი სითბოთი სარგებლობისა. ცხადი გახდა ჩემთვის ვარსკვლავთა და პლანეტთა სიმრავლის ბრუნვა სივრცეში, მათი დამყარება არა რაზედ იმისი ბძანებით, რომელიც არის დასაბამი ყოველი მოძრაობისა, არსება არსებთანა, მიზეზი მიზეზთანა, მმართველი და გამგე ქვეყნისა, უფალი და შემოქმედი ყოველთა არსთა“.

„თვითეული არსება იღნიშნულია ღვთის სიბრძნისა და ძლიერების ბეჭდით. თვითეული საგანი ჩვენდა სასარგებლო და სასიკეთოა. სარგებლობა, რომელიც მათ მოაქვთ ჩვენთვის, ნიშანია მათი შემოქმედის სახიერობისა, მათი სიმშვენიერე მაჩვენებელია ღვთის სიბრძნისა, ხოლო მათი შეხამებული განწყობილება ურთერთ შორის, მათი გარკვეული რაოდენობა და განუწყვეტელი წარმოება გვიჩვენებს ამ დიდებული ღვთაების სიმძლავრეს...“

„ღიალაც მოვალენი ვართ გვწამდეს ღმერთი, როგორც უსაზღვრო, საუკუნო, არა შობილი და არა შექმნილი არსება, თვით შექმნილი არსება, თვით შემქნელი და მმართველი გამგებელი ცისა და ქვეყნისა“...“

მსოფლიო გენიოსი კებლერი დავით წინასწარმეტყველივით შეჰგალობს უფალსა: „გმაღლობ შენ, ღმერთო და შემოქმედო ჩემო, რომ მაძლევ შეძლებას განვიკვირო და შევიყვარო საქმენი შენნი! მე დავასრულე ჩემი მეცნიერული შრომა და მწამს, რომ ეს შემადლებინა ჩემმა შემოქმედმა. რამდენადაც შესაძლო იყო ჩემი გონებისათვის, მე ვაუწყე, უფალო, ქვეყანას შენთა საქმეთა სიდიადე, რომ ამით ისწავლოს ყველამ შენი დიდება და შეიძინოს სიკეთე“.

„აქებდინ სული ჩემი შემოქმედსა ჩემსა ყოველთა დღეთა ცხოვრებისა ჩემისათა, ვინაიდგან მით და მას შინა არსებობს ნივთიერი და სულიერი ქვეყანა, ყველაფერი, რასაც კაჟა მიგვიწვდება და რაც ჯერ კიდევ ჩვენი ცოდნის გარეშეა“...“

„რაც უფრო ფხვს იკიდებს და ძლიერ-

დება მეცნიერობაო, სწერს ცნობილი ასტრონომი გერშელი, მით დღითი დღე ექვ გარეშე ხდება ქეშმარიტება შემოქმედის არსებობისა და მისი ყოვლად შემძლებლობისა. გეოლოგია, ასტრონომია, მათემატიკა, ბუნების მეტყველების ისტორია—ყველა ესენი თვითეულად ეზიდებიან მასალას, რომ, ააგონ საერთო ტაძარი მეცნიერებისა საქებელად და სადიდებელად შემოქმედისა ღვთისა ჩვენისა“...“

ცნობილია ფილოსოფოსი ბეკონის აზრი, რომ უფიცრობა გვაშორებს ღმერთზე და ღრმა ცოდნა კი გვაახლოებს მასთან.

კარლ ფოხტი, გაკვირვებული ბუნების გაჩენის ისტორიით, წარმოსთქვამს: „რა დიდებული და მასთან მარტივია მთლათ ეს სასაქმე, ეს პროცესი! მხოლოდ ღმერთს შეეძლო მისი მოფიქრება და შესრულება, კაცს დარჩომია მხოლოდ ამ დიდებულ პროცესის გონიერული კვლევა-ძიების საშუალებით შეგნება“.

„ბუნების შესწავლა ჩინებული საღსარია დასაფასებლად შემოქმედის სიდიადისო“, გვეუბნება ლიბიხი.

გეოლოგი ლეილის მოწმობით „რანაირი მიმართულებაც უნდა მივცეთ ჩვენს მეცნიერულ გამოკვლევებს, ყოველგან წინ შევეყრებით ცხადზე უცხადეს საბუთებს, რომ არსებობს შემოქმედი გონება“.

ცნობილ ექიმს პასტერს, როგორც თითონ მოწმობს, ჩვეულობად ჰქონია მეცნიერული მეცადინეობის დაწყების წინ მხურვალე ლოცვის შესრულება; დიდებულ ვიქტორ ჰიუგოს ანდერძი თავდება სიტყვებით. „ღმერთი მწამს“-ო.

ასეთია უტყუარ მეცნიერთა რწმენა და მსჯელობა ცისა და ქვეყანის გამჩენის შესახებ და დაე ახლა თითონ შეითხველმა გადასწყვიტოს—ვის შეუბურავს თავი უმეცრებისა და სულელობის ჩაბალახით: წყალწადებული „ეროვნული საკითხი“-ს დამწერს, თუ ლინნეის, კებლერს, პასტერს, ბეკონს და მისთანებს? ვინა რყვნის და ასულელებს ხალხს—ნაჩვენები წიგნაკის მოხზველი, თუ სამღვდელელობა, მიმღვარი კებლერისა, პასტერისა,

გერშელისა და მათონების აზრებისა?

ვაი, რომ შართლა ძალიან შორსა ვართ მეცნიერებაზე და ამის გამოა, რომ ჩვენში მოიპოვებინა შკითხველები „ეროვნული საკითხი“-ს მინავარი აქია-ბაქიებისა.

მაგრამ, ღვითთ, როცა იქნება, მზე ამოვა და ჩვენებური გზა დაბნეული ათვისტები დაინახვენ თავიანთ არარაობას!

სეფეველი.

**სასიკეთო ნიშანი**

ყველამ კარგად ვიცით, რა აზრისანი არიან ეხლა სამღვდლოებაზე. გაუმაძლარი, ლორმუცელა, გამგლეჯი, ხალხის მტერი, გამცემი, იუდა, აი სხვლები, რომლებსაც კარბად უწოდებენ სამღვდლოებას „საზოგადოების“ წევრნი.—სიმართლის წინ თვალების დახუჭვა არ არის პატრიოსნური საქციელი, მაგრამ არც ცალმხრიობა არის მოსაწონი. ჩვენ არ უარვყოფთ, რომ სამღვდლოებაში, რომელიც შესდგება კაცთაგან, არიან უღირსი პირებიც და მათ სავსებით შეეფერებათ და ღირსეულადაც აქვთ ხალხისგან დამსახურებული ზემოაღნიშნული სახელები; ეს შართალია. მაგრამ არც ის არის ტყუილი, რომ სამღვდლოებაში უწინაც ყოფილან და ეხლაც არიან ღირსეული პირები, რომლებიც ერთგულად, პირნათლად და პატრიოსნურად ემსახურებიან საზოგადოებას; ისტორიამ სამღვდლო პირები ავებიც იცის და კარგებიც, ამიტომ ზოგიერთა აზრი და შეხედულობა სამღვდლოებაზე, როგორც მხოლოდ ყოველივე სიცუდით საესე წოდებაზე არის უსაფუძვლო და ცალმხრივი.

სამღვდლოება არა ერთხელ დახმარებია ხალხს გაქირვების და გამწარების დროს, უტირნია მასთან მისი ცრემლით და უწუხნია მისი მწუხარებით, ერთად გაუწევია მასთან სიმწარის და გაქირვების უღელი. როგორც ერთი ამგვარი მაგალითი ჩვენს დროში, ჩვენ აღვნიშნავთ გურიის სამღვდლოების ღირს შესანიშნავს საქციელს, რომელიც ამ წინაყვირაში

მოსხენებული იყო ტფილისის გ. ზეთს „ზაკავ-კაზიე“-ში. გურიის ეხლანდელი გაქირვებული მღვდომარეობა ყველამ კარგათ იცის; აქ გამეფებულია შიმშილი და სიღარიბე. გურიის სამღვდლოებამ დაინახა გაქირვებული მღვდომარეობა თავისი მრევლისა და ხელი აიღო დრამის ფულზე. შესაფერი დადგენილება ცხრა საბლალრჩინო ოლქიდან წარედგინა მღვდლოთმთავარს, რომელმაც თავის მხრავ თვისი აზრის თანდართვით, წარუგზავნა ამ განაჩენების პირები გენერალგუბერნატორს და სთხოვეს, რომ ხალხს დრამის ფული არ გამოართვან. განჩინება სამღვდლოებისა შედგენილია საქმეში კარგად ჩახედულ და შეგნებულ პირთაგან, იგი არ არის წუთიერი გატაცებით ან სხვა რაიმე გარეგანი მიზეზით გამოწვეული და ამიტომ, ჩვენი აზრით, შესაწყნარებელია. თვით მთავრობა და საზოგადოებაც, რომლებმაც იციან გურულების გაქირვება, ეძიებენ სხვა და სხვა სავალეებას, რომ შეუმსუბუქონ ხალხს სიმძიმე შიმშილისა და აი ერთი საშვალეებათაგანი მისცა მას სამღვდლოებამ დრამის ფულზე უარის თქმით. ეხლა ველარავენ უკიყინებს გურიის სამღვდლოებას მაინც გაუმაძღრობას, გულქვაობას და ხალხის მტრობას. უეჭველია, მგრძობიარე და მკვირცხლი გურულები ყურადღებით მოეპყრობიან მათ სულიერ მამათა საქციელს და ღირსეულად დააფასებენ მას. საქართველოს სხვა კუთხეების სამღვდლოებამ უყურადღებოდ არ უნდა დასტოვოს აქ აღნიშნული საქციელი გურიის სამღვდლოებისა და ასე თუ ისე უნდა დააფასოს იგი.

სარკინელი.

**რა მოაქვს უღმრთოებას?**  
გაგრძელება. 1)

ამის შემდეგ აღვილი გამოსაცნობია, თუ რა მოაქვს უღმრთოებას. პასუხს ნათლად იძლევა თანამედროვე სინამდვილე. სულიერ სწეულებამ, რომლის გავლენა მიმდინარეობს სარა

1) იხ. „ზინ. საქ.“ № 3.

წმუნოების დამბობისკენ. შედეგად უკიდურესი განხრწნა მოიტანა, იხრწნება მაღალ საბატო და უსატრფიალესი მხარე სულიერ მოქალაქობისა და შენდება უხარ-მაზარი გოდოლი ბაბილოვნისა ხორციელად. წინ-მსვლელითი ჩვენი გონების განვითარების აღსავალი ცალ-მხრივად დაქანებული, ვითომ აღმავლობს, მაგრამ მისდა შეუმცნებლად ირღვევა კიბეთა ხარისხი და კვლად მიუბრუნდა უკუნ-ქცევით მხედველობას და დაადგრა ძველებურ გზას ის სიბნელე, ის უღმრთოება, ის უსირცხვილობა უსჯულოდ ურთიერთ უნათესავ პირუტყულ შერევნისა, წყლით რღვნამდისინ გამეფებული უკუღმართ წუთი სოფლის ცხოვრების მოქმცევ ურმის თვალმან ამოასკუბა დღეს მეოცე საუკუნის „განათლების სახელ-წოდების სიამაყეში, და ის ძველ გაუნათლებელ დროის ხანა დაგვიდგა საოცარის სისწრაფით და მაღალ კიბეზე აღსრულმა სულიერად განათლების ხიბრძნემან უკუნ იბრუნა პირი და ძლიერად შესტობა კვლავ ზნეობით დასანთქმელ ბუნების საუძღებო ზღვაში. აირია ქვეყანა. გაგვისწორდა ბრძენი და უგუნური, ვინაიდან ყველა ბრძენობს, ყველა ქადაგობს. უმცროსი და უფროსი, რამეთუ ყველა უფროსობს. ეს ყველაფერი ნიშანია ჩვენი განვიარებლისა კი არა, არამედ საზიზღარ ნახტომით ქვესკნელში ჩაძირვისა. მონობისგან გამოხსნის მახარებლობით ხალხი დაათვრეს და ურწმუნოების ხრამში გადაყარეს. კაცის კვლა, ძარცვა-გლეჯა სახალისო ვარჯიშობად გადააქციეს, სარწმუნოების მასხრობა და ეკლესიების უბატოებით შეგინება ძღვევა-მოსილ გამარჯვებად დაისახეს. „პიროვნება ხელ-შეუხებელიაო“; სიტყვა ქარმან წაგავა, ხოლო საქმით აღივსო მართალ აბელთა სისხლით ქვეყანა. გაზეთების ფურცლები კაცის კვლისა და ძარცვა-გლეჯის ცნობებით აქრელებულია, რაზედაც თუმცა ისმის გოდება მრავალთაგან, მაგრამ გვიანდაა. ახალ-ზოძრობის ზოგიერთ ბნელის მოძღვრებმა იარაღად გაიხადეს ურწმუნოების ქადაგება, და ამის შემდეგ რად უკვირსთ უკანასკნელ ხანებში საოცრად ქვეყნის აღმოაოხრებელი ზნეობრივი დაცემა და ბაბაროსული სიმხეცე, რომ-

ლით აღივსო ხალხი და გარემოცულ ვართ საზიზღარ და საშიშარ გასამხეცებელ მდგომარეობით. კაცობრიობის უძვირუასესი საუნჯე ცხოვრების რიგში არის ოჯახი. ეს არის კაცად-კაცადისა საკუთარი ედემი სულით და ხორციით საშველებელი, წყარო კეთილ-სიცოცხლისა და სიხარულისა ოჯახის კრებულის ურთიერთ მტკიცე საღმრთო სიყვარულით, ქირსა შინა დახმარებით და მოვლით. ვისაც კაცობრიობის ისტორია ღრმა გულის ხმის ყოფით გაუთვალისწინებია და ცხოვრების სარკეში ნათელ გონებით შთაუხედია, მას ამაზე უნდა ქონდეს უმეტესი ყურადღება მიქცეული, რომ ოჯახის საბედნიერო, სამშვიდობო და მათში სასიყვარულო სხივ-მფენელ საღმრთო კავშირებში განმსქვალ-ელჰყონ თითოეული ოჯახის წევრი. ოჯახი უნდა გახადონ ტაძრად საღმრთო ქორწინებითი სიწმიდისა, სკოლად შვილთა უბიწო პატიოსნებისა და მაშინ პოვებს ადამიანობა ამ სოფელშიდაც ნეტარებას. მაშინ რაოდენად შესაძლოა ჩვენი სულიერი სიღუბჭირე პოვებს გულის ტანჯვა და გვირობისაგან თავისუფლებას ოჯახობის უშიშრობით, — ნდობას გაუცემლობით და დაცვას შვილთა თვისთა პატიოსნად და უბიწოდ, და აი ამაშია საესება ცხოვრების კეთილდღეობისა, ამაშია სააქაო სუფევა და ბრწყინვალეობა გულისა საღმრთო მეუღლეთა და აღფრთოვანება სიხარულისა. ახლა ვთქვათ შეუდგეით უღმრთოთა მოძღვრებას, ღმერთი ვარ-ვჭყოთ, სულის უკვდავება არ ვირწმუნოთ, ცოდვა და მადლი არად შევრაცხოთ და ნათესავობა პირუტყულად შერევილ ვყოთ, მაშინ რა ვიქნებით? რამ შეზღუდოს ჩვენი სიბოროტე, რამ დაიცვას ადამიანი მხეცურ თვისებებისაგან და რა მდგომარეობაში იქნება საოჯახო ბედნიერება პირუტყვ-მხეცურ თვისუფლების გამეფებით? ეს ყველასათვის საადვილო გამოკანაა, რომ ჩვენ ვიქნებით აღვირ აშობილი უსასტიკესი მხეცი, ჩვენს სიბოროტეს ვერაფერი შეაჩერებს, ვერა რა დაიცავს და შეაკავებს ადამიანის გაუმაძლარ ბიწიერებით გათახსირებას, და მაშინ დაგვრჩება ნაყოფად სულიერი აოხრება, ბედნიერების ნაცვლად უბედურება, მონობისგან გა-



მოსხნის ნაცვლად პირადი მისწრაფების გამეფება და ცოდვის მოუტირებელ უფსკრულში გონების დანთქმა-გაველურება. და ამგვარად უღმრთოების ქადაგებით იხრწნება ზნეობრივი მხარე, ირღვევა ოჯახობითი სიყვარული და საღმრთო კავშირი, კაცობრიობის კეთილ-დღეობის ნიადაგი ძირითურთ იფხვრება, სულიერ მადლ-მოსილი გონებრივი საუნჯე ცალიერდება, ბნელდება ციური ნათელ-მხედველობა ხალხისა და აღვირ-აშვებული უერთდება მხეცთა ბანაკს, რომელთაგან დღესვე თვალ-საჩინოდ სამარცხვინოდ მოქმედებენ ძენი რისხვისანი, ძენი კანისანი ძმისა ერთ გროშად მკვლელნი, ძარცვა-გლეჯით სამშობლოს შემაზარნი და გაველურებულ გრძნობით ამაოხრებელნი, ეს ყველაფერი შედეგია უღმრთოების ქადაგებისა, რომელიც თანდათანობით ემუქრება კაცის პირუტყვად გარდაქმნას, რასაც არც კი ისიცხვილებენ ახალმოდის მოძღვრები, სარწმინოების მხრივ გზადა-კვალ დაბნეულნი, რომელნიც გახარებით ღალადებენ, ჩვენ და ძროხა ერთნი ვართო. და ეს სულიერი სიდუხჭირე და გაღატაკებულ სულის სიცალიერე უღმრთოთა მათს სახესა და გამომეტყველებაზედაც იხატება და შეხედვისა თანად მათი სურათი წარმოგიდგენს სიმხეცეს და სულიერად გახრწნილებას. რაღაც საშიშარ-შესაზარებელ სახით გამოიყურებიან, თითქო რაღაც განუსაზღვრელ უფლებით ცაზედ ღმერთსა და ქვეყანაზედ ადამიანებს ემუქრებიანო. სიტყვა უზრდელი, ქცევა ამაყური, ხოლო ბრძანება ხომ ბატონ-ყობრივ პასუხ-შეუბრუნებელი. ამგვარ მქადაგებლებზე მშვენივრად მოეზაგება სიტყვა პეტრე მოციქულისა: „თავისუფლებასა აღუთქმენ მათ (ერთა) და თვით იგინი მონა არიან ხრწნილებისა.“ ამის შემდეგ რა უნდა მოვსთხოვოთ იმ ადამიანს, რომელსაც ღმერთი უარუყვია, კაცობრივი ზენარ-შობილებითი მოვალეობა და ან რა უნდა ვისმინოთ მათი სიტყვების ქეშმარიტება, თუ არა მხოლოდ პირუტყულ ცხოვრებისათვის ბღაველით მოწოდება. ვისაც თავი პირუტყვად შეიურაცხია მას წეს-რიგი, ცოდვა, მადლი პატროსნება და ნამუსი რად ესაჭიროება, ვე ხომ ფარისევლობა და თვალთ-მაქცობა

იქნება, რადგან მათ საქმე ზეცაში არაფერი აქვთ, არამედ პირუტყვებთან. ვაი ასეთს ღმრის დაკარგვას! ამას რა სკოლა, რა უცხოეთში გადახვეწა სჭირია; ყველას თავის ოჯახში შეუძლია დაამთავროს ახალ-მოვლენილი „მალღანათლების კურსი შემდეგის სიტყვებით: „რასაც ხედავთ, ამის მეტი არაფერია, არც ღმერთი, არც უკვდავება, არც წარწყმედა, არც ცხოვრება და ცოდვა და მადლი, ჩვენ და პირუტყვნი ერთ-ვართ.“ მორჩა და გათავდა! დასრულდა მალღ-კურსის ეგზამენები და ბავშვებიც შეველენ „უმადლეს განათლების სახელწოდებაში“, რამეთუ იქმნენ პირუტყვ, გინა მიღწიეს საკვირველ სწავლის ობქანს—პირუტყვობას. აი სანამდი მიგყიყვანს უღმრთოება!

ალექსი ბერი.

(შემდეგი იქნება).

ცრუ ბრძანებს.

ვინ არის ეს, რომ გზაზედ მაჩერებს, ლახვრით მიწყლულებს მჩქეფარ სიცოცხლეს, საფლავს უზნადებს ჩემს მისწრაფებას, ნაღვლით მიშხამავს სულის სინორჩეს?

ტლანქის ხელებით კიდეს უშენებს ცხოვრების წყურვილს მედგრად მდინარეს, ძალად მიბნელებს მზეს სიცოცხლისას, სამარადისო სხივ-შუქ მფინარეს;

ქვეშ კვარცხლ-ბეკს მაღლის, წინ გზას მიბნელებს, ნიადაგს აცლის გონების ღტოლვას.— მაშ რა აზრი აქვს უკუნ წყვილადში ამ უხალისო ბრმა მიმოგორვას?!

ჩრდილთა ურთიერთს გადმოღენაში ნეტავ რა არის საიდევლო? ვით აღმოადენს ბედნიერებას თვით განხრწნილი და წარმავალ წყარო?!

ვით მოაშორებ შმაგსა გონებას  
ქეშმარიტების თვალ-უწვდენ არეს,  
და ან ვით დაშრეტ არსებად მოსულს  
უკვდავ სიცოცხლის ცეცხლს მოტყინარეს?

ვით შეგიძლია, რომ აღმოხოცო  
უკვდავ ცხოვრების წყურვილის ალი  
და უზარ-მაზარ მსოფლიოს ზედა  
მოშალო სიბრძნის ბრწყინვალე კვალი?

გონება ბნელო! თუ ყოველივე  
ბრმა ნივთთ ცვლილებით დაიბურება,  
მაშინ ხომ შენი ქეშმარიტებაც  
ამ უფსკრულშივე დაითრგუნება!

ონოფრე შწირი.

### ლ ე ქ ც ი ა.

კვირას 27 აპრილს, ბ. ი. ნაკაშიძემ  
ლექცია წაიკითხა ქალაქის თეატრში შე-  
სახებ იმისა თუ რა გზას უნდა დაადგეს  
დღევანდელი აღზრდა განათლება. რო-  
გორც მოგვხსენებთ, დღევანდელი ხანა  
არის ხანა პირადი, ინდივიდუალური, თა-  
ვისუფლებებისთვის ბრძოლისა. ამიტომ მო-  
სალოდნელი იყო, რომ ბ. ლექტორი,  
როგორც თავის დროის შეილი, აღზრდი-  
სა და სწავლა-განათლების საქმესაც სრულ  
პირად თავისუფლებაზე დაამყარებდა.  
ასეც მოიქცა იგი. იგი ცდილობდა და-  
ემტკიცებია, რომ ბავშვები თავისუფლად  
უნდა ეწაფებოდნენ სწავლას, იგინი თა-  
ვის შინაგანი მოთხოვნებისამებრ უნ-  
და ირჩევდნენ სასწავლო საგნებს. არავი-  
თარი დიპლომი, არავითარი პრივილეგია  
არ უნდა აიძულებდეს მათ ამაში. ასეთი  
მიმართულება სწავლა-განათლების საქმე-  
ში, როგორც ვხედავთ, ძრიელ ახალია  
და გასაკვირვადი არ არის, რომ ცოტა  
გვეჩოთირობოდეს. ერთი და ორი ლექ-  
ცია არ ქარა ამის შეგნებისათვის; ამის-

თვის საჭიროა ვრცელი დასაბუთებული  
თხზულება, უფრო მეტი, მთელი ლიტე-  
რატურა. მქვერმეტყველურ ლექციას  
შეუძლია ადამიანი მოხიბლოს, გაიტა-  
ცოს, მით უფრო მოსწავლე ახილგაზღო-  
ბა, რომელსაც ასე იზიდავს ყოველი ახა-  
ლი იდეა, რა ჯურისაც უნდა იყოს იგი.  
საჭიროა ღრმად მოფიქრება და გამოკე-  
ლევა საგნისა, ყოველ მხრივ განხილვა  
მისი, რომ სიახლემ ან რომელიმე პირვე-  
ლი შეხედვით ვითომ რომელიმე კარგმა  
მხარემ არ გაგვიტაცოს და სიკეთის მა-  
გიერ ვნება არ მოგვატანინოს საქმისა-  
თვის. ბუზის მოკვლა კარგია, მაგრამ ვაი  
თუ მეუღაბნოეც თან გაჰყვეს...

ჩვენი მხრით ვერ გაგვივია, რა ნაი-  
რად მივანდოთ არჩევანი ბავშს სწავლის  
საქმეში? არჩევანი რომ აიღო, საჭიროა  
იცოდეს საარჩევნო საგნების ვითარება, მა-  
თი ავკარგიანობა, ე. ი. საჭიროა იცოდეს  
ეს საგნები—და აგრეთვე მათი პრაქტიკუ-  
ლი და ტეორეტიული მნიშვნელობა.  
როგორ შეიძლება მაგ. ბავშმა არჩევანი  
აიღოს სამთემბთიკო და საბუნებოსმეტ-  
ყველო საგნებ შორის, როცა არც ერთი  
და არც მეორე არ იცის? რა განსხვავება  
უნდა დასდვას მან მათ შორის, რომ ერ-  
თი შეიყვაროს და მეორე შეიძულოს?  
რა იცის მან, რა პრაქტიკულ სარგებლო-  
ბას მოუტანს ან ერთი და ან მეორე? ბავ-  
შებს რომ სწავლის საქმე მივანდოთ და  
ისიც წინ არაფერი მიზანი დავუდვათ, ეს  
იმას ემსგავსება, კლდეს მივაყენოთ და  
უმიზნოთ ქვა ვატყხინოთ. ამ შემთხვევა-  
ში ბავში ქუჩას უფრო ირჩევს, ვიდრე  
წიგნს, პოლიტიკობას დაიწყებს და მეც-  
ნიერებას ჩირად არ მიიჩნევს. ასე მოხდა  
ამ მოძრაობის დროს, როცა სათაყვანოდ  
აღიარეს აღვირწახსნილი თავისუფლება:  
ბავშვებმა თავი დაანებეს თავის საქმეს—  
სწავლას—და ღმერთმა იცის, რა ხელობას  
არ მოჰკიდეს ხელი.

ლექტორმა უარჰყო ყოველგვარი წი-  
ნათ დამუშავებული გეგმა სწავლების საქ-

მეში. ამ დებულებასაც ვერ მისწვდა ჩვენნი შეგნება. ჩვენ ვერ წარმოგვიდგენია რანაირად შეიძლება საქმის უგვემოდ გაკეთება. ყოველ საქმეს წინ უძღვის აზრი, ან გეგმა მისი გაკეთებისა. სახლის შენებას რომ დაიწყებენ, წინდაწინ განსაზღვრავენ სად უნდა დაატანონ კარი, სად ფანჯარა, სახურავი, საფუძველი და სხვა. აგრეთვე სწავლაც. მასწავლებელმა წინდაწინვე უნდა იცოდეს, საიდან დაიწყოს, როგორ განაგრძოს და სად გაათავოს. უამისოთ რას ემგვანება მისი სწავლება? შესაძლებელია წუნი დავსდვათ ამა თუ იმ პროგრამას, ან ამა თუ იმ ნაწილს პროგრამისას, ხოლო წინდაწინვე გათვალისწინებულ გეგმის უარყოფა, არა თუ მხოლოდ სწავლა-განათლების საქმეში, არამედ ყოველ საქმეში, — სიგიჟეა. მხოლოდ გიჟს — სულით ავამყოფს — არ აქვს გეგმა თავის მსჯელობასა და მოქმედებაში და გიჟსაც მიტომ ეძახიან. თუ გეგმა სწავლების საქმეში უარსაყოფელია, უარი უნდა ეყოს სხვა საქმეშიდაც.

აღზრდა და განათლება (სწავლა) ლექტორმა შეაერთა ვილაც დიდებულ პედაგოგის სახელით. სწავლა (განათლება) იგივე აღზრდააო სთქვა ლექტორმა. ჩვენ ვერ ვეთანხმებით ამ საგანში ვერც ლექტორს და ვერც დიდ პედაგოგს. ბომბის სროლაც სწავლაა, კაცის კვლაც, ქურდობაც, ჯიბგრობაც, მექრთამეობაც, მათხოვრობაც, მაგრამ განა ამას აღზრდა ჰქვია? ბაუშის შეიძლება ვასწავლოთ როგორ კეთდება თოფის წამალი, ბომბი, დინამიტი, მაუზერი, ბრაუნინგი და სხვა ევროპიელ კულტურის ღვიძლი შვილები; შეგვიძლია ვასწავლოთ დუელში ბრძოლა; ეს სწავლაა, მეცნიერებაა. მაგრამ რა ემატება ამ ცოდნით იმის ზნეობრივ მხარეს? მას შეუძლია ეს ცოდნა, როგორც უნდა, ისე მოიხმაროს. მისი ნებაა, როგორ მოიხმარს ამ საგნებს, ადამიანთა სასიკეთოდ, თუ მათ გასანადგურებლათ. მაშასადამე აღზრდა შეეხება ადამიანის

თავისუფალ ნების კეთილ მიმართულებას და არა გონების განვითარებას. ამიტომ მათი შერევნაც არ შეიძლება. განათლება რომ ზნეობის ამაღლებას ბადებდეს, ეხლა განხორციელებული იქნება ის, რასაც ჯერ კიდევ იდეალად სახავენ. მაგრამ, გვიტყვამს და ვიმეორებთ, განათლება — სწავლა-ზნეობას არ ამაღლებს და, თუ უკაცრავად არ ვიქნებით, ვიტყვი, ამდაბლებს კიდევ. ამდაბლებს მიტომ, რომ ცოდნა ზნეობა ჰგონიათ: თუ ბომბის კეთება იცი, უთუოდ ვისმე უნდა ესროლო, თუ ლეგორვერი გკიდია ვინმე უნდა მოჰკლა. არა, ზნეობას სულ სხვა პრინციპები აქვს და აღზრდა როგორც ზნეობრივი განვითარება სრულებით არ ექვემდებარება სწავლა მეცნიერებას. დიდებული სოგრატი ასწავლიდა ქველობა ცოდნაო, საქიროა ვიცოდეთ რა არის ქველობა, რომ მისი წინააღმდეგი არ ჩავიდინოთო, მაგრამ ეს სწავლა უნიადაგო იყო და არის ეხლაც. განა არ იცის ქურდმა, რომ ქურდობა ბიწურებაა? განა არ იცის კაპიტალისტმა სანდონების მოძღვრება? მაგრამ რას უკეთებს მათ ეს ცოდნა? ეშმაკებსაცა სწამს, იაკობ მოციქულის სიტყვით, და სძრწიან. ზნეობრივ აღზრდას სამარადისო და საყოველთაო პრინციპები უნდა ედვას საფუძვლად და ეს პრინციპები შეიძლება მისცეს ქრისტეს სარწმუნოებამ და არა რომელიმე პედაგოგის ან ფილოსოფოს-მეცნიერის სწავლამ.

თუ სწავლის საქმეში საქიროა გეგმა, ზნეობრივ აღზრდაზე უფრო მეტი ითქმის.

შესანიშნავი იყო ბ. ლექტორი, როცა იგი თანამედროვე სოციალისტ-დემოკრატებს ამხილებდა, რომ იგინი თავის ზეპირ მოძღვრებას თავის მოქმედებით უარს ჰყოფენო: ქადაქებენ ერთობას და ამასთანავე ზიზლით უყურებენ იმ სამუშაოს, რომელსაც ასრულებენ მათი პროლეტარებო. არც ერთი სოციალისტი

არ დაგეთანხმება ფეხის ადგილი გასწმინდოს და ერთობას კი ჰქადაგებსო. სასურველია ჰავშობიდგანვე შევეჩვიოთ ყოველგვარ სასარგებლო მუშაობის არ თაკილობასო. საქირთა მასწავლებელმა თითონ მისცეს მაგალითი მოსწავლეს ამ საქმეშიო.

ბოდის ვიხდით ბ. ლექტორთან, რომ პირველი შთაბეჭდილებით ვსჯით იმ საგანზე, რომელიც უცხოა ჩვენთვის. კარგი იქნება, თავის ლექციას დასტამბავდეს, რომ უფრო დაახლოვებით გავიგოთ, რაში პდგომარეობს მისი ახალი მოძღვრება. ვინ იცის იქნებ ისე ვერ გავიგეთ მისი აზრი, როგორც მას უნდოდა გამოეთქვა.

ბოსლეველი.



ტ რ ე მ ლ ი ს ხ ე ვ ი .

(ადმოსავლეთური თქმულება) 3. აროდისვისა 1)

I.

მაღალს მთებს—ბნელ-რუხვ უზარმაზარ კლდეებს გარემოუცავს ხევი. მთები, როგორც კედელი, ისრე აშორებდენ მას დანარჩენ ცხოველ ქვეყნისაგან.

ის ხევი უნაყოფო და უდაბური იყო.

გარუხვებულსა და თითქოს ნაცარ მიყროილ მიწიდგან, მხოლოდ აქა იქ ამოსულიყო გაყვითლებული და გამხმარი ბალახები. იქი აქვე მოსჩანდნენ განცალკევებულათ მდგარი ხეები.—შესაბრალოსი დაღვრემილი ხეები... მათ თითქოს მუდარებით განეპყრათ შეუბრალებელის სამყაროსათვის თვისი ნახევრად ტიტველი და ნახევრად გამხმარი ტოტები. არც ერთი ყვაილი აქ არა ჰყვოდა... უზარმაზარი რუხვი და შავი ლოდები, როგორც საფლავის ქვები გაბნეულიყვენ ყველგან.

აქ წელიწადის უმეტესი ნაწილი ცა ბნე-

ლი იყო. შავი ღრუბლები, როგორც შავი უმსგავსი საოცრებანი ახლო ეშვებოდნენ ხევის თავს. ღრუბლები ვადივლიდნენ, მაგრამ მადლიანი წვიმა შინც არ აცხოველებდა ქვიშნარ და კლდოვან მიწას.

ის კი არა, მგონი, მხეცებიც კი არ ეკარებოდნენ ამ დაღვრემილსა და დაწყვეტილს ალაგს. ხანდისხან ელდის ნაპრალიდგან გამოჩნდებოდა ხვლიკი და ისევ მალე იმალებოდა. შიშინით მისცურავდა გველი... ხევში დამე არ ისმოდა, თუ როგორ აჩრდილივით ქურდულათ, მიძკრებოდნენ ტურები. ვადმოვილიდა შავი ყვაი, —მაგრამ მისი გამჭრიახი თვალები ამაოდ ათვალიერებდნენ საშოვარს.

სიცოცხლის ნიშან წყალს მოკლებული უდაბნო... დღის სინათლეზე მოწყენილ მოქუშული ხევი, ქარიშხალიან ღამეში სასაშიშრო ხდებოდა. იგი ინთქმებოდა წყვდიადში, და წყვდიადი აღსავსე იყო სასაშიშროებით... ხევი ამ წუთებში თითქოს სცოცხლდებოდა, იცებოდა ხმაურობით, ლაწალუწით, გუგუნით.

მთის ქარი ღრიალებდა დედევებში, აღშფოთებული ვადარბოდა დედამიწის პირზე, ეკვეთეოდა ხეებს, და ძალუმად ურხევდა მათ წვეროებს. ელვის სინათლეზე, უცბათ წყვდიადში, მოჩვენებასავით, გამოჩნდებოდნენ ხეები და ისევ ჰქრდებოდნენ. ქარის ძალდატანებით მათი ნახევრად გამხმარი ტოტები ერთი მეორეს ეხეთქებოდა, და როგორც გამხმარი ჩონჩხის ძვლები ისრე რიხინობდნენ წყვდიადში... ქარის ველურ ღმუილში, რომელიც მთებიდამ ათასნარ გამოძახილს იწვევდა, მოისმოდა წყნარი ვედრებაც, და რაღაც ბოროტების მომასწავებელი ჩურჩულიც, თავგანწირული ყვირილიც, თითქოს წამებულთა ვმინვა ღრიალი, ძალით მოშთობილი წყველა კრულვა, გოდება და ოხვრა... თითქოს მთელი ქვეყნის ტანჯულ წამებულთა სულები, რომელთაც განსვენება ვერსად უპოვიათ მოფრენილან აქ და მოთქმა ღრიალით მიმოდინ კუკუმეთში.. გრივალი დაწყნარდებოდა ხოლომე, უდამიწის პირიდამ ღამის აჩრდილი ჰქრებოდა, მაგრამ მთიების წყნარს ციმციმსაც ვერასფერი სანუგეშო მოჰქონდა: ვანთიადისას აქ

1) იხილ. ჟურნალ „Научное обозрение“-ეს 1903 წ. № 1.

არც ერთი ფრინველი არ აქიკვიკდებოდა. არ უგალობდა შხის სხივებს სალხინო საგალო-ბელს... გრგვინვა ქუხილის და გუგუნ ხმაუ-რობის შემდეგ აქ ისევ მყუდროება და მუდ-მივი უფერული ბინდბუნდი დგებოდა. სამა-რისებურ სიჩუმეს მოუცავს ხევი. მხოლოდ შა-ვი ყვავი თავს დასჩხავის მას...

II.

ღამეა, მაგრამ ქალაქში არავის არა სძი ნავს. ყველა იქ მცხოვრებნი აღელვებულნი და აღშფოთებულნი არიან. სასახლე გაჩირაღ-დნებულია, მისი სვეტები და დიდებული დე-რეფენები, განათებულნი, როგორც წითლათ შეღებილი ცა, ელვარეთ და მკაცრათ აღბეჭ-დილან ღამის ბნელ ცის ფონზე.

სასახლეს დიდი მოძრაობა ემჩნევა. ქუ-ჩებში და მოედნებში, თითქოს რიდაცის მომლოდნე ხალხის გროვა მდუმარებს.

აზრაილი, შეუბრალებელი ანგელოზი სიკვ-დილისა, გარდამოხდა ამაღამ სასახლეში. მხედრები პატრუქებით გამოდიან სასახლიდან და მიეშურებიან სხვა და სხვა მხრისაკენ. ქუ-ჩებში და სანახშოებზე ისინი ხმა მაღლად უც-ხადებენ ხალხს:

— გარდაიცვალა ჩვენი დიდი ამრუ! გარ-დაიცვალა ჩვენი სახელოვანი, მორქმული და ბრძენი მფლობელი! ტახტზე ავიდა მისი ღირ-სეული შვილი, ქაბუკი, აბუჯებელი!

— რცხვენოდენ და თავსაფ დასხმულ იქმნენ მტრები დიდისა ამრუსი! ალლახი, ჰფარედეს აბუ-ჯებელს! ჰყვიროდენ ჯარის კაცები, იქნევენ სანათურებს და მიმოაბნე-ვენ ოქროსებურ ნაპერწკლებს.

— ალლახი ჰფარედეს აბუ-ჯებელს! იმე-ორებდა მორჩილებით ხალხი. რამდენიმე დღის შემდეგ დიდი ამრუ დაკრძალეს. ბრწყინვალე და დიდებული დასაფლავება იყო. სამგლოვია-რო დროშები ფრიალებდენ, მწარედ ხმობდენ საყვირები. მოტირალი ქალები თმის იგლეჯ-დენ, სამოსელს იპობდენ და მაღალის ხმით მოსთქვამდენ, ხმაურობდენ:

— საუკუნოდ გავეშორა ამრუ! ვაი ჩვენ-და.. ჰოი, აზრაილო! რისთვის მოგეტაცე ამრუ!

მოხუცმა აბდულლახმა, ამრუს პირველმა კარის კაცმა და მახლობელმა მოთათბირემ, შესანიშნავ სიტყვაში ჩამონუსხა სრულათ, კე-თილნამოქმედარი და დიდებული ღვაწლი გან-სვენებულ ბატონისა.

მიცვალეხლისკენ მიქცეული იგი დინ-ჯათ და რიხანათ ამბობდა:— როდესაც ის-ფრაილი, მკვდართა აღდგომის დღეს შეუხა-ხებს მთელს მსოფლიოს თავის საყვირით, და მედგარი ხმა მისის საყვირისა მიმოფენება მთა-თა ბნელ გულს და ზღვათა სიღრმეს, მაშინ შენ, ამრუ, აღსდგები ახალი ცხოვრებისათვის და მტერნი შენნი დარჩებიან ბნელს სამარეში! ბოროტი აზარალი ვერ გაჰბედავს შენთან მო-ახლოებას, და რუშეანი შენს წინ განაღებს სამოთხის კარს. ჰაერი აღვსებული ყვავილთა საკვირველის სუნნელებით, წყნარი შრიალი სამოთხის ხეთა ფოთოლთა და ხმა ტკბილი გალობა შეთვალა ქალთა მოგბერვენ შენ სა-უცხოო ოცნებათა... და შენ ინეტარებ საუკუ-ნოდ, და იმა ნეტარებას ენა ვერ გამოს-თქვამს... სუსტია და არა საკმაო ამისათვის კა-ცობრიული სიტყვა ჩვენი...

ცხოვრება ახალგაზრდა აბუ-ჯებელისა წა-ვიდა ჩვეულებრივად: თათბირი კარისკაცებთან ქვეყნის საქმეებზე, ელჩთა მიღება, სამხედრო ვარჯიშობა, ნადირობა, ჰარამხანაში დამწყვ-დეულ დედაკაცთა სიყვარული, დღესასწაულე-ბი, მეჯლიშები, ღამღამეობით გემოთ მოყვა-რებითი ქვიფები ჩრდილთა ქვეშე დიდათ მშვე-ნიერ და სუნნელოვან ბაღებში, მთვარის მო-ელვარე სხივებით განათებულებში...

მ. ვლ. ფ—ძე.

(შემდეგი იქნება).

სამეუხანემო წერილები

აბრეშუმის ჭიას მომკვლელთა საყურადღებოთ

1. ახალ გამოსულ აბრეშუმის ჭიას მური ჰქვიან. მურის გამოსაყვანად აბრეშუმის ჭიის თესლები (გრენა) ძალიან თხლად დაჰყარეთ წმინდა ქალაღლზე და დადევით თბილ ალაგას; სასურველია, რომ სითბო მურის გამოსვლამდე

სულ ერთნაირი იქნეს თესლებთან.

2) როცა შეატყობთ შურის გამოხელას, თესლებზედ უნდა დააფინოთ ასაკრეფი შოთხო დახურვტილი ქაღალდი ან მსხვილ თელა ძაფის ბადე, ან ლეჩაქის ნაქერი, ამაზედ დაჰყარეთ ბეჟლის ნორჩი ფოთლები; როდესაც შეატყობთ, რომ ფოთლებზედ სულ ამოსულა მური, ფოთლები მურიანათ აიღეთ და წმინდა ადგილზედ დადევით, მეორე, მესამე დღესაც აგრე მოიქეცით.

3) თესლიდგან გამოხელის შემდეგ პირველ კანის გამოცვლამდე შურს აქამეთ ძალიან წმინდათ დაქრილი თუთის (ბეჟლის) ფოთოლი. აქამეთ ხშირ-ხშირათ და ცოტ-ცოტა; საღამოზედ, უკანასკნელ ქმევის დროს, ფოთოლი მეტი უნდა დაუყაროთ.

4) პირველ კანის გამოცვლიდგან მეორე კანის გამოცვლამდე აქამეთ უფრო მსხვილათ დაქრილი ფოთოლი, ვიდრე პირველ კანის გამოცვლამდე; შემდეგ მეორე კანის გამოცვლისა კიდევ მეტი მსხვილათ დაქრილი ფოთოლი უნდა და შემდეგ კი დაუყარეთ მთელი ფოთოლი.

5) კანის ცვლის დროს (ძილის დროს) ფოთოლი არ უნდა დაყაროთ ქიებზე, ან არ გაანძროთ ის ადგილი, სადაც ქიები ზის.

6) პირველ დღიდგან ქიების ცახზე ასვლამდე, ქიები მშვირი არ იყოლიოთ, სოველი, ან დანოტიებული ფოთოლი ქიას ან მაკანათ, თორემ ქიებს სენი გაუჩნდება; აგრეთვე ფოთლები არ უნდა იქნეს ძველი, შეხურებული, გაყვითლებული, ნაყოფი (შეჟლის კაკალი) და ყლორტები არ უნდა გაყვეს ფოთლებს.

7) ქიები თავის ალაგას უსათუოთ ძალიან თხლათ უნდა დაიკავოთ, ერთი მეორეზედ არ უნდა იჯდეს, თორემ მიუცილებლად საყაქეში სენი გაჩნდება, ქიები უთანასწოროთ იზრდება და პარკებსაც დაუმთავრებელს აკეთებს.

8) საყაქეში მიუცილებლად წმინდა ჰაერი უნდა იქნეს; კარგ, თფილ დღეებში, კარები იქონიეთ დადებული და ცივ დღეებში დახურული.

9) ყველაზედ უმჯობესია თუ ქიებს იყო-

ლიებთ ქაღალდზედ, მაგრამ თუ ქილდს ვერ იშოვიოთ, მაშინ გვიძრის ან სხვა გვარი საწოლი მიუცილებლად უნდა იქნეს ძალაან მშრალა.

10) მიუცილებელ კანონათ უნდა იქონიოთ: თუ ყოველ დღე არა—ყოველ მეორე დღეს ნაქამის (ან ნაგავის) უსათუოთ გადაყრა; სადაც ქიები ზის ის ალაგი ძალიან გაასუფთავეთ, ქაღალდი (დასაჯდომი) გამოუცვალეთ და ნახშირი კი გააშრეთ შემდეგისთვის სახმარებლად.

აბრეშუმის ჭირსთვის ერთობ ცუდი ამიდები იყო ამ უკანასკნელ კვირეში: წვიმა და სიცივე; იმის მიზეზით საყაქეშიდ უთუოთ ნოტიო იქნება და, ვისაც შეუძლია, საყაქეში, თუ ბუხარი აქვთ, ცეცხლი იქონიონ; სადაც ქიები ჰყავთ დამჯდარი (თაროები, ჩაფრები და სხ) იქ იქა აქ რამეზედ კირი იქონიეთ დაყრილი; ბეჟლის ფოთოლი მიუცილებლად ძალიან გააშვრეთ და სანამდისინაც ქიებს დაუყრიდეთ, საყაქეში დაიკავეთ, საყაქის ჰაერში, და შემდეგ აქამეთ: ფოთლას და ხაყუჭას ჭაქრას სათზე ერთნაირა უნდა აყვას. უსათუოთ ჩაფარი ჩაფარზე დაშორებული იქონიეთ ნახევარი არშინი შაინც.

ნ. შურნალი.

X მკირშასი ამხანაგის მოგონება.\*

26 თებერვალს მიწას მაბარეს ქუთაისის ქართულ გიმნაზიის VIII კლასის მოწაფე, ყველისაგან საყვარელი ვალიყო აბესაძე. ის იყო ქუთაისის გიმნაზიის საღმრთო სჯულის მასწავლებლის, დეკანოზ ივლიანე აბესაძის პირმშო ვაჟი. დაიბადა შორაპნის მაზრის სოფელ ზოგრეთში 1888 წელს, 3 დეკემბერს, სადაც მამინ მამა მისი მღვდლად და ჩხარის მაზრის მოწესრიგედ მსახურებდა.

სასულიერო სასწავლებლის დამთავრების

\* იბეჭდება ქუთაისის სა. 1. გიმნაზიის მოწაფეთა თხოვნით.

შემდეგ ის შევიდა ქუთაისის სასულიერო სემინარიის პირველ კლასში საცო ყოველად პატიოსან და მაღალ-ზნობიან ყმაწვილათ ითვლებოდა. თვალ წინ მიდგას, თუ როგორ და რა უბრალო მიზეზისა გამო გადაემტერა მას სემინარიის მთავრობა. განსვენებულს იგეთი მიმზიდველი, დამატყვევებელი და მომხიბლავი კილოა, მიმოხვრა და რიხიანი ხმა ქონდა, რომ, როდესაც ის საუბარს დაიწყებდა, ყველანი ნება-უნებლიეთ ყურადღებით გადავიქცეოდით. ჩვენი პირველი კლასის ოთახი სამასწავლებლო ოთახზედ იყო გაჯაბმული და იქიდან ყურს გვივლებდნენ მასწავლებლები და უფროსებიც. ერთ დღეს ვალიკო მოწესრიგედ იყო და მოწაფეებს, რომ არ ეცელოთ და ეხმაურებიან დიდი დასვენების დროს (ამინდი ცუდი იყო), ის მოგვიყვა ერთ გასართობ ისტორიას. ამ დროს ისეთი სიჩუმე ჩამოვარდა, რომ ბუზი რომ გაფრენილიყო, გაიგონებდით. ამ სიჩუმემ გააკვირვა თურმე სემინარიის უფროსები და მასწავლებლები. დაუგდეს ყური და იცვნეს ვალიკო აბესაძის ხმა. საუბედუროთ მასწავლებლებში ქართველთაგან არავინ დასწრებოდა და სხვებს კი მიელოთ, რომ აბესაძე რაღაც საწინააღმდეგოს უხსნის ამხანაგებს და იმიტომ ესე ყურადღებით უსმენენ ამხანაგებო. ზოგიერთ მასწავლებლებს კიდევაც შეშურდებოდათ ეს სიწნარე და ეთქვათ: ასე რომ ჩვენ გვივლებდნენ ყურს პირველი კლასის მოწაფეებო, აქამდის ფილოსოფოსებად ვაქცევდითო. (რასაკვირველია, როგორებიც თვითონ იყვნენ) ეს იყო და ეს! ამის შემდეგ აღმოცრივ დაუწყეს ცქერა, მეორე წელს სემინარიაში არეულობა მოხდა, სემინარია დაკეტეს ლა ვალიკო აბესაძეს და სამ სხვა მოწაფეს მიუსაჯეს უშორეს ადგილას, ასტრახანის სემინარიაში გადაყვანა. ასტრახანში დაყო განსვენებულმა ნახევარი წელიწადი და რადგან იმ წელში ფებერვლის თვეში ქუთაისის სააზნაურო პროგიმნაზიასთან გაიხსნა მეხუთე გიმნაზიური კლასი, განსვენებულს აქ შემოვიდა მეხუთე კლასში და მალე დაიშახტრა საზოგადო სიყვარული, როგორც მოწაფეების საზოგადოთ კლასების განურჩევლად, ისე მასწავლებლების მხრივ. განსვენებუ-

ლი იყო მეტად შრომის მოყვარე და ნიჭიერი კაცი. გიმნაზიაში ყოველ კეთილ საქმის ან დამწყები იყო და ან ერთგული მომხრე ამხანაგები განურჩევლად რწმენისა და მიმართულებისა ყველანი ნდობით და სიყვარულით ექცეოდნენ 1907 წელში ფებერვალში გახდა ავად გაცივებით და ერთი წლის მძიმე ავადმყოფობისა და ტანჯვის შემდეგ გარდაიცვალა.


გვამი მშობლების სახლიდან, მრავალი სამღვდლოების წინძლოლით, ამხანაგებმა გამოასვენეს და დაასვენეს ეზოში, ნაშუადღევის სამ საათზედ. გამოსვენებას მრავალი საზოგადოება. განსვენებული საბა კლდიაშვილის გვამის ოდესიდან მოსვენების შემდეგ, ქუთაისს არ ახსოვს, რომ ამოდენი საზოგადოება ვისმეს გასვენებას დასწრებოდეს. ცხედარი შემკული იყო მრავალი გვირგვინებით. სხეთა შორის შესანიშნავი იყვენ შემდეგი გვირგვინები 1) „იდეურ ამხანაგებისაგან.“ 2) ქუთაისის სააზნაურო გიმნაზიის VIII კლასის მოწაფეებისაგან. 3) მეშვიდე კლასის მოწაფეებისაგან, 4) მეექვსე კლასის მოწაფეებისაგან, 5) მეხუთე და მეოთხე კლასის მოწაფეებისაგან, 6) ქუთაისის საეპარქიო საქალებო მასწავლებლის მოწაფეებისაგან. ანდერძის აგების შემდეგ ქუთაისის სააზნაურო გიმნაზიის მასწავლებელთა კორპორაციის სახელით ერთმა მათგანმა შემდეგი ადრესი მიართვა დეკანოზ ა. აბესაძეს: „დიდათ პატივცემულო, მ. ივლიანე! ქუთაისის ქართულ გიმნაზიის ყველა მასწავლებელნი გიცხადებთ უღრმეს სამძიმარს თქვენის უღრმოთ დაკარგულის ძვირფასის შვილის შესახებ და შევთხოვთ უფალს, რათა გაკმაროს ეს საშინელი რისხვა და შეგიმსუბუქოს თქვენ და თქვენს ოჯახს ეგ მძიმე მწუხარება. განსვენებულ იოანეს სახსოვრათ გვირგვინს ნაცვლიათ. ჩვენ გადავწყვიტეთ შევწიროთ შესაფერი წვლილი ილიას ფონდს“ ამის შემდეგ სიტყვები წარმოსთქვეს მერვე კლასის მოწაფეებმა: „შოთა დადიანმა და კანდელიაკმა. ბატონმა შ. დადიანმა დაახასიათა ის, როგორც ბეჯითი და ნიჭიერი მოწაფე, რომლის მიზანი უყო უმაღლესი სწავლით აღჭურვილიყო მისთვის, რომ სინდისიერად შეესრულებინა აღამიანის პირ-

დაპირი მოვალეობა, გაეადვილებინა, შეემსუბუქებია ფიზიკური, მატერიალური და ზნეობრივი აუტანელი უღლის ტარება ადამიანითვის სხვა და სხვა სფეროში. ბატონმა კანდელაკმა დაახასიათა ის, როგორც ყველასათვის საყვარელი, საიამოვნო და სსარგებლო ამხანაგი. ამის შემდეგ პროცესია მწყობრად დაიძრა სასაფლაოსაკენ და ქართული გიმნაზიის ორკესტრმა დაუკრა სამგლოვიარო (ჰიმნი). გზაზე რიგრიგად გალობდნ ქართული და რუსული გუნდი და უკრავდა ორკესტრი. სასაფლაოზე მრავალი სიტყვები წარმოისთქვა. სხვათა შორის შესანიშნავი იყო მერვე კლასის მოწაფე ამხანაგის ევ. ბოკერიას სიტყვა. ბ. ბოკერიამ დაახასიათა ის, როგორც გულითადი მეგობარი. მეშვიდე კლასის მოწაფე ჟორჟოლიანმა თავის სიტყვაში ვალიკო დაახასიათა, როგორც საზოგადო ამხანაგი განურჩევლათ მიმართულებისა და რწმენისა. იმას, როგორც გიმნაზიაში, ისე შეკრებილებაში, სადაც კი დაესწრებოდა, შექონდა მხიარულება და აღფრთოვანება. ყველას აღუძრავდა გულში მამაცობას, გაბედულებას და იმედს საუკეთესო მომავალზედ. მეექვსე კლასის მოწაფე ჯ. ძიმისტარაშვილმა წარმოსთქვა გამოსათხოვარი ლექსი, რომელშიდაც გამოთქვა დიდი მწუხარება ეგეთი ძვირფასი ამხანაგის და მეგობრის უღროვოდ დაკარგვის გამო. გულ-გამგმირავი იყო მშობლების და უნცროსი დან-ძმანის გამოთხოვება. მამამ სხვათა შორის უთხრა: „შვილო ვალიკო! შენ იყავ ჩემი პირველი ყვავილი და მოველოდი, რომ ღირსეულ ნაყოფსაც მოიტანდი. როდესაც ცხოვრების უღელში კისერი გავყავ და ოჯახობას შევეუდექი, ჩემი პირველი მიზნად ის დავისახე, რომ თუ ღმერთი შეილიერების ღირსს გამხდიდა, აღმეზარდა შეილები მართლ-მორწმუნეებად და მოყვასისადმი სიყვარულით გამემსქვალა მათი სული და გული. და დღემდის ამ მიზნისადმი მივიღწვი. თუ რამდენათ მივაწიე შე შენ შესახებ ამ ჩემ მიზანს, ამას ამტკიცებენ შენი მასწავლებლები, ამხანაგები, ნაცნობები, რომლებიც ვარს გახვევიან, შე შვილო, შენით კმაყოფილი ვარ,

რადგან მშობლების საწინააღმდეგო არას დროს არაფერი არ ჩაგიდენია და შენი სწავლა-ყოფა-ქცევით მუდამ კმაყოფილნი ვიყავით და თუ ჩვენ, როგორც მშობლებმა, ჩვენი ხელმოკლეობისა, ანუ უმეცრებისა გამო, ისე ვერ გიბატონეთ და მოვიარეთ, როგორც შენთვის სასარგებლო იქნებოდ, გთხოვთ გვაბატოვო და შეგვინდო და ჩვენგანაც შენდობილ იყავ, ჩემო იმედო შვილო. აჰა შენი უმცროსი ძმები და დები უკანასკნელათ გეთხოვებიან. იქნება ამათ მაინც, ღეთის შეწვენით, გვცენ ნუგეში და შეიძლონ მოძმეთათვის თავდადება და სამშობლოს სამსახური. მშვიდობით შვილო ვალიკო! ღმერთმა განგიხვენოს იქ, სადაცა მართალნი განისვენებენ“ საზოგადოებამ ერთად წარმოსთქვეს: „ამინ“ და გულდათუთქულნი უკან დაბრუნდნ.

მშვიდობა და განსვენება შენს ნაშთს დაუვიწყარო ძვირფასო ამხანაგო ვალიკო!

ამხანაგი ვლადიმერ კუტაიძე.



რედაქტორ-გამომცემელი მღვდელი  
სიმონ მხედლიძე.

**გ ა ნ ც ხ ა დ ე ბ ა**  
**პ რ ო გ ი მ ნ ა ზ ი ა**

პირველი თებერვლიდგან ქალაქ ქუთაისში ქ.ნ. ე. მქედლიძის სახლებში (საბურთალო — კახაკოვის — შესახვევი № 17) გაიხ.ნა კერძო ოთხკლასიანი პროგიმნაზია. აქვე ამზადებენ მსურველთ სხვა და სხვა სასწავლებელისათვის და ლებულობენ სარგებტიკოდაც.